

佛山忠義鄉志卷六

鄉事志 編年

鄉之事不過讀法鄉飲衆所同也外此則

國家功令頒及於鄉者書之又外此則興文講學之事知義好善之事亦所同也而其所以保有此鄉者則莫要於思患預防之事鄉域門首言鄉宜改設直隸廳叙及道光四年奸民勒賑拆搶之案此近事耳遡而上之則嘉慶十四年有防堵洋匪之事乾隆四十一年有奸民搶劫之事又遡而上之則康熙五十一年有劇賊聚黨之事二年並順治十二年俱有海賊流劫之事至前明二百七十年

佛山忠義鄉志

卷六 鄉事

一

間除義士梁廣等敗賊案外尚有刁匠拆祠巨盜據社各事均幸文武協力鄉社同心或先事嚴防或偵告卽辦以不及於難耳雖堪輿家言佛山一名福山永無劫煞之患然生聚日盛窺伺易生制於未亂保於未危父母斯民者自不分鄉國也志

鄉事

編年

鄉之成聚相傳肇於汴宋沿至元末已數百年而事遠年湮茫無可考今斷自明始從信也

陳志

每歲月朔望紳耆士民畢集崇正社學外大魁堂

宣講

聖諭廣訓十六條

明洪武三年庚戌詔民間立社學 鄉各社學疑  
皆建於是時

五年壬子鄉人趙仲修復建 北帝廟後詔爲

靈應祠又曰祖廟 元末龍潭賊寇本鄉艤舟汾  
水之岸衆禱於神卽烈風雷電覆溺賊舟過半俄  
賊用妖術賄廟僧以穢物污廟遂入境剽掠焚廟  
宇以洩兇忿不數日僧遭惡死賊亦敗亡至是復

建有碑

二十四年辛未大毀寺觀 鄉毀塔坡寺

宣德四年己酉重修 北帝廟梁文縉倡  
捐有記

佛山忠義鄉志

卷六鄉事

二

正統元年丙辰鑿 北帝廟前灌花池 梁文縉

霍佛兒捐地一百二十步植梧桐波羅蜜二樹於  
池旁

七年壬戌巡按張善給往省渡船二隻量取賃租  
以供 北帝廟香火

十四年己巳海賊黃蕭養遣其黨攻圍本鄉鄉人  
梁廣等率衆敗之賊遁去是役也 北帝神屢示  
威靈賊恐怖無策遂大敗斬獲二千餘級布政使

揭稽以事聞詳祀  
典

景泰三年壬申詔以 北帝廟爲 靈應祠佛山  
堡爲忠義鄉旌賞忠義士梁廣等二十二入

四年癸酉禮部頒諭祭 靈應祠祀典割付四十

四號詳祀典門

天順五年辛巳饑知縣到鄉給賑

宏治五年壬子颶風大水失潮 時普君墟可乘

船通鄉惟高地不浸故稱高地

九年丙辰洗光登進士 時遷居順德縣之鷺洲

正德八年癸酉重修 靈應祠建牌樓三門及流

芳堂增鑿錦香池於灌花池右 霍時貴倡捐

九年甲戌梁焯登進士 住社亭舖舒步街

嘉靖元年壬午提學莊渠魏校毀淫祠改建社學

本鄉所毀甚多改建蒙養各社學後洗主事桂奇

佛山忠義鄉志

卷六 鄉事

三

記其事 見金石門

十四年乙未洗桂奇登進士 住潘涌舖之鶴園

二十年辛丑陳善登進士 住社亭舖紫市

二十九年庚戌岑遠登進士 住石路舖石頭

三十一年壬子建 靈應祠前石照壁 石上刻

花龍道士蘇澄輝募

三十二年癸丑大饑主事洗桂奇出粟賑粥為富

人倡鄉賴以濟 事詳世濟忠義記見金石門

三十八年己未修通濟橋 深村堡進士霍與瑕捐修

四十四年乙丑行軍籍法 時鄉之軍戶凡三易

供狀而後定

隆慶二年戊辰重修通濟橋深村堡霍隆捐修隆卽與瑕世父

萬曆九年辛巳行清丈法 時知縣周文卿以原

額不足每畝加派二分名為定弓民不堪命至十

二年量減三釐六毫猶徵一分六釐四毫四十四

年鄉尚書李待問率眾籲懇始議將香山等縣新

陞沙田移抵定弓虛稅至

國朝雍正八年以各縣移抵有弊題請豁免

修通濟橋知縣周文卿捐貲倡修按周文卿加定弓虛稅為一邑累乃屑屑於一橋之

修豈欲以此謝過耶抑狹矣

二十四年丙申大饑鄉人捐粟賑濟

二十六年戊戌柵下細晚市放烟花遊人擠擁踐

佛山忠義鄉志

卷六鄉事

四

死七十二人

三十一年甲辰李待問登進士卯辰聯捷時住嶼岐舖高巷

三十二年乙巳修 靈應祠門樓經歷李好問同弟待問捐修

三十三年丙午文明 靈應祠祭業共實稅六十

八畝

三十七年庚戌冼憲祖登進士侍郎光元孫

誅盜黃在明 在明結黨踞沐恩社肆行劫掠鄉

人報官計擒之斃於獄後建忠義營卽盜所踞地也

四十二年甲寅設忠義營 李待問以郎中歸里

倡議立營以捍鄉士兵食出自鄉之門攤爐煽銀

一百七十兩

四十五年戊午鄉主事梁日孚入鄉賢祠

天啓二年壬戌縣拘刁橫工匠治以罪 是年九

月九日炒鑄七行工匠糾衆狂譟借清復 靈應

祠地爲名先拆祠前照壁隨毀民廬好不可測知

縣羅萬爵急出示安民計擒爲首者重懲始各解

散

三年癸亥 靈應祠前池加築拱橋 以所拆照壁石爲之

六年丙寅修通濟橋建亭於左畔 經歷李徵問同弟總漕待問捐

賞重修

七年丁卯修崇正社學

佛山忠義鄉志

卷六 鄉事

五

建鄉仕會館

追建塔坡古寺 改地於醫靈舖左巷廣東通志載古蹟門

崇正元年戊辰建 天妃廟 在柵下舖之海口

詔團練鄉兵 鄉則員外郎李陞問總其事以郡

邑幣請也各舖有鄉夫自此始

六年癸酉築汾水柵下水閘 知縣黃熙印督築

縣拘刁橫鍋匠柴工治以罪 耳鍋匠并鋸柴工

與諸爐戶閩爭毀陳達達房屋拿獲責究

七年甲戌修往省大路 尙書李待問主事龐景忠同捐修有記

八年乙亥修 靈應祠改塑神像 署丞李敬問捐修

十三年庚辰增築汾水柵下水閘

十四年辛己大修 靈應祠復築照壁 尚書李待問捐修

修南擊觀音廟 廟為闔鎮香火建修俱闔鎮捐題

十五年壬午建文昌書院 在明心舖尚書李待問捐建

十六年癸未大水鄉田半收

國朝

世祖章皇帝順治元年甲申修 華光廟 在觀音堂舖富路坊

二年乙酉奉鄉尚書李忠定公像附祀於文昌書院之後寢

三年丙戌禁隣堡張槎田心開涌 有告示碑記見鄉禁門

四年丁亥通判屠彪到鄉駐防 本鄉有駐防官自此始 時有黃頭賊數百襲殺田營官拆毀忠

佛山忠義鄉志

卷六 鄉事

六

義營大為鄉患鄉人協力討之殺賊一百七十餘級奔報總督佟 大加賞異

七年庚寅同知官玉都到鄉駐防 署在汾水舖後街

豁免忠義營兵食銀項

築省城西門 本鄉派築十五丈

八年辛卯建 關帝廟 在汾水正埠對岸同知官玉都倡建

九年壬辰築沐恩社房屋 屋凡八間收賃值以

供崇正社學祀事其地本忠義營營廢遂改築之十年癸巳春大饑斗米千錢 駐防經歷李繼美

令米肆依先糴價出糶又勸富人出粟賑濟

十二年乙未海賊流劫入柵下鄉夫擊之殺賊數

十人

建 龍母廟

在柵下舖

修通濟橋

盡易以石僧圓朗募修有記

復忠義營 以朱紫市梁祠為營房鄉夫工食出

自本鄉

後數年又廢

十四年丁酉修 靈應祠香亭

十五年戊戌建華封戲臺

在靈應祠前

聖祖仁皇帝康熙元年壬寅建忠義鄉約

在祖廟舖左巷

二年癸卯海賊流劫本鄉鄉夫擊敗之 時賊銳

甚鄉夫一礮傷其旗手賊遂惶亂退走又隣鄉石

硝被劫鄉夫往救擊殺賊數十人石硝獲安

佛山忠義鄉志

卷六 鄉事

七

修鄂國公廟

三年甲辰設保甲給門牌

時經歷周汝斌駐防

五斗口司巡檢到鄉駐劄

原駐平洲堡

修醫靈廟

十二年癸丑建田心文昌書院

在山紫舖觀音廟左僑籍人士合建

十七年戊午林開春領鄉薦第一

住柵下舖原潮州人

二十年辛酉修南泉觀音廟

二十三年甲子修 靈應祠

建 聖樂宮

在靈應祠左

二十四年乙丑修崇正社學

三十九年庚辰何肇宗登進士

住觀音堂舖原番禺縣人

四十二年癸未定崇正社學課期 龐上梓記  
見金石門

五十一年壬辰官誅劇賊甘鰲賓 鰲賓以積賊

受撫委為佛山練總聚黨數百人驕恣殘暴奸謀

叵測按察使武廷适廉知之計誘至省立斃杖下

賊黨悉散

五十二年癸巳春穀貴給賑饑民 時富人有被

掠者縣擒為首者治以罪

建洞天宮大慈堂 是年饑野多無祀木主因建

大慈堂於萬真觀右拾而祀之後以衆怪顯現改

萬真觀為洞天宮奉城隍神以鎮之鄉有城隍行

臺始此

佛山忠義鄉志

卷六 鄉事

八

五十三年甲午修田心書院 左必蕃有記  
見金石門

五十七年 戊戌 禁越派修基圍 有示見  
鄉禁門

五十九年庚子修復 靈應祠牌坊

官定 靈應祠廟舖 有示見  
鄉禁門

世宗憲皇帝雍正元年癸卯禁天主教 鄉毀天主堂

濬復旗帶水長四百六十餘丈

五年丁未譚會海登進士 住福德舖  
福祿里

七年己酉設約正 鄉推貢生  
區廷輝

撥 靈應祠租給流芳祠歲祀 有記見  
鄉禁門

九年官定正埠租息 有示見  
鄉禁門

十一年癸丑添設佛山同知復移五斗口司巡檢



於平洲堡

霍作明登進士

遷居三水縣

高宗純皇帝乾隆元年丙辰

恩科鄉試談德領鄉薦第一

住福德舖原平洲堡人

四年己未龐遙登進士

遷居省城五仙門內水母灣

五年庚申官禁侵蝕 靈應祠租

紳士與里排互控給示各紳立

石見鄉禁門

六年辛酉陳炎宗領鄉薦第一

住耆老舖金魚塘

七年壬戌建文塔

一稱文昌閣在柵下舖海口有記見金石門

九年甲子建汾江義學

在柵下舖有記見金石門

十年乙丑錦香池懸燈遊人擠擁柵圯壓死童子

佛山忠義鄉志

卷六 鄉事

九

七人

十二年丁卯修

天后宮

在祖廟舖有記

修華光廟

在山紫舖有記

十三年戊辰陳炎宗登進士

十五年庚午修關帝廟馬頭

在汾水正埠對岸增已上一百八條酌

陳志

十七年壬申陳炎宗修鄉志竣

二十一年丙子修汾江義學

同知祖承紹撰記見金石門

二十二年戊寅饑開社倉設賑

巡檢王棠理其事各官捐廉闔鎮義

助先碾倉穀不敷陸續買穀以賑

官禁春秋

諭祭頒里排胙有示見鄉禁門

二十四年己卯修流芳祠巡檢王棠為記見金石門

修靈應祠陳炎宗為記見金石門

福祿里災延燒四十餘舖

二十七年壬午修靈應祠同知趙廷賓有記見金石門

二十八年癸未陳其焜登進士住柵下舖金魚塘

撥靈應祠租給崇正社學課文課費向取給

於廟前兩廊小舖租息以修廟拆去小舖故

將廟租撥給同知沈生遴里人陳炎宗均有記見金石門

三十二年丁亥顏料行會館演戲失火斃數百人

即其地建旅食祠以妥之在南擊後街里人陳炎宗有記見金石門

佛山忠義鄉志

卷六鄉事

十

三十三年戊子福祿里災延燒五十餘舖

建平政橋於鄉之柵下深村登洲甘溪石碕四堡同建

三十五年庚寅修文昌宮在靈應祠左同知韓紹賢有記見金石門

四十一年丙申官誅劇賊鬆糕新時舉人姚光

國被劫呈官追捕就擒戮之鄉賴以安

四十三年戊戌飢稟官借碾十堡倉穀官率民捐

賑巡檢王棠經理其事

社倉在祖廟流芳祠右五斗口司屬紳民趙祖

庇黃汝忠等原捐穀一千三十一石名曰十堡社

倉後九堡病陋規而棄之以佛山有祖廟租可

供使費戊戌飢舉人勞潼倡捐賑之舉借倉穀以

平糶事後籌買還倉後遂以爲例然倉非稟官不能開以晒晾更遇查倉多受其累焉

修 武帝廟

在協天勝里巡檢王棠捐俸并記見金石門

福祿里災延燒五十餘舖

四十六年辛丑修汾江義學講堂

霍超士有記見金石門

五十年乙巳禁硝廠時奸商

李潤漢馮煥

與書役通事

在必成舉人區宏緒勞潼上控委員踏勘袒商總

督孫 悉其詐仰司押拆鄉免淤塞水潦之患

有示見鄉禁門

五十一年丙午饑抽鄉內舖租二十份之一糶穀以賑知府張道源捐俸銀五百兩助焉

佛山忠義鄉志

卷六 鄉事

十一

始設小押 時有湖南武生區任賢充軍至鄉出其貲以押物件名曰收買舊料實操貧民緩急而賒削之迄今益多鄉有小押自此始

五十二年丁未饑連年歉收鄉仍做上年捐賑

五十三年戊申修經堂

同知葉汝蘭有記見金石門

五十五年庚戌定正埠小舖租額撥入義倉

設敬字亭

有碑記見金石門

設拾嬰會

捨嬰之舉在乾隆丙午丁未間鄉遭饑饉遺嬰滿路紳士捐銀置產以產息雇人拾送省育嬰堂歲以爲常嘉慶十七年將產租撥入義倉自後拾嬰

者皆在義倉支給工銀嬰兒不至夭札有記

五十七年壬子鄉人稟官清庄瘞無主棺百餘具于義塚

義塚其一在大墓岡明李錫簡買地凡死而無歸

者皆埋之築墳立石為記姓名清明携酒奠之人

呼義塚又一在來翔大墓岡嘉慶二十一年署都

司蘇兆熊暨同知捐俸眾紳捐貲置地以瘞久厝

無主之棺以佛山書院前地攤租銀量支為清明

祭掃費又一在大墓岡道光九年現任千總劉大

彰捐俸買捨共地二段該民稅五畝四至有彩陽堂劉石界並

碑記里人張曰滋復於道光十年捐地五畝四至有張與善

佛山忠義鄉志

卷六鄉事

十二

堂石界並碑記曰滋父文忠曾於乾隆年間有素不相識

之杭州紙客吳恒泰旅寓病故文忠捐貲經紀其

槨回籍云

捨棺之舉前因鄉內連年荒歉餓斃者在祖廟前

兩廊甚多因支廟租棺殮葬於義塚今凡兩廊棲

丐園斃者皆取辦廟租 棲丐園在祖廟舖樓觀

里前因廟前兩廊各丐棲宿混雜殊不潔淨因建

園以棲之其丐頭每月廟給工食銀不得留難索

詐

六十年乙卯建義倉嘉慶二年立石有案見鄉禁門

饑仍倣丙午丁未年章程設賑同知王宿善知縣李標巡檢柳因材

各捐俸  
以倡

義倉在祖廟舖麒麟社後乾隆乙卯歲各紳士稟  
官立案收義渡及正埠舖租買穀存貯遇歉則或  
糶或賑設司事一人掌其收支二十七舖黨正每  
月初二十六輪流稽查倉存租息除買穀外不得  
借支惟鄉中大事如清涌等項則集衆妥議方准  
動支

仁宗睿皇帝嘉慶元年丙辰修 靈應祠建慶貞樓以祀

神之父母 有記見金石門

李可端登進士 住觀音堂舖蓮花地

二年丁巳以修廟餘銀置渡船出租廣義倉儲穀

佛山忠義鄉志

卷六 鄉事

十二

有碑示見鄉禁門

四年己未總督覺羅吉 撥充公項銀二千二百  
一十八兩有奇置產以租息爲田心書院會文之  
費係紳士勞潼吳昆同陳維屏等聯呈請給後定  
每歲撥租息四十兩爲佛山書院生童膏伙  
鄉議清涌不果  
復鄉飲酒禮頒耆胙 總督有告示見鄉禁門  
每歲十一月二十四日崇正社學舉行鄉飲禮以  
鄉中年高有德行者充正賓其次爲介賓年登七  
十者是日咸與焉

吳榮光登進士 戊午己未聯捷住觀音堂舖大樹堂

五年庚申修田心書院勞潼有記見金石門

七年壬戌李可蕃登進士可端胞弟

遷汾江義學改建佛山書院於同知署左同知楊楷遷改

有記見金石門

九年甲子禁番攤賭館有告示見鄉門

十年乙丑李可瓊登進士可端胞弟可蕃胞兄

安寧里太上廟演戲失火斃二十有二人

十一年丙寅饑開倉賑

十二年丁卯福祿里災延燒百餘鋪鄉置夷人水櫃自此始見

鄉防門

十三年戊辰各舖開太平井於道旁

佛山忠義鄉志

卷六鄉事

十四

十四年己巳饑復賑

秋洋盜入瀾石焚劫將逼鄉界鄉建礮臺水閘備

禦前同知楊楷請於總督百給兵親帶至鄉防

堵賊遠遁鄉賴以安

十五年庚午申明保甲法時總督委員至鄉戶

列門牌每十戶推一人為甲長以稽查焉

禁強丐舉人黃浩一等稟巡撫韓給示勒石鑒於正埠馬頭

十七年壬申生生堂拾嬰會勒石撥租歸義倉管

理會銀只十一二元不敷經費以義倉餘銀支給

二十年甲戌修大灣石路路泥滑不便行旅前署都司蘇兆熊捐俸修之

二十一年丙子清庄置義塚有記見金石門

二十二年丁丑大水修仔竇水閘

潘光岳登進士住福德舖高低巷

重建敦本社學

二十四年己卯夏大雨雹壞民房甚多

修對海 關帝廟馬頭義倉動支公銀一千三百有奇至庚辰二月竣工

修佛山書院同知王繼嘉有記見金石門

新填地演戲失火斃二十有五人都司蘇兆熊親督工人撈瘞設

降魔柱以壓之

今上皇帝道光元年辛巳 靈應祠神回廟醮棚失火

斃六十餘人錦香池中醮會棚失火池後路甚寬而衆於戲臺旁兩門爭出互擠而斃

二年壬午清涌里人吳榮光有記見金石門

佛山忠義鄉志

卷六 鄉事

十五

四年甲申修藥王廟

官誅奸民劉亞添張有等餘治以罪 時奸民藉

雨澤愆期鼓衆求賑先毀大家房屋次及巡檢署

同知署知縣章埏帶兵至擒爲首者正法餘治以

罪鄉獲安堵

五年乙酉修柵下海口文塔建財神廟築往礮臺

大路修文塔有記見金石門

清涌工竣縣給斷買蔗園佔築田畝准修復官路官埠文塔前橫水艇有告示見鄉禁門

六年丙戌修醫靈廟

靈應祠撥租塋無主古柩二十九具於大墓岡義

塚

清釐 靈應祠廟產

靈應祠產業向因移建佛山書院并堵禦洋匪廟  
前回祿及歷來值事不能撙節至將舖店按去銀  
一千二百餘兩又賒欠各項銀四百餘兩已收未  
供會銀二百餘兩丙戌年清涌捐項不敷吳鳳髦  
倡議合會銀六百兩湊用以廟租逐年供還會衆  
以無人担承會本恐難收回猶豫未允於是公推  
洗沂吳鳳髦總理廟事稽出入省費用俾供會項  
嗣既清欠完會後己丑年底復合會銀一千兩并  
歷年餘銀贖回前按舖店至是 靈應祠產業復  
其舊焉

佛山忠義鄉志

卷六

鄉事

十六

九年己丑修田心書院 有記見金石門

修大魁堂

大水各基圍幾陷 鄰鄉大富等以防基請鄉量助之水退加築圍基

十年庚寅修油行 武帝廟 有記見金石門

里人吳榮光請於總督李 巡撫盧 將上年

查封鄉中賭博入官房產五所撥給田心書院出

租總督李 復捐銀一千兩置產收租將兩項

每歲租息加增田心書院會文獎賞之費

官禁拆賣祠墓 有示見鄉禁門

官禁正埠私佔踞擺 有示見鄉禁門

佛山忠義鄉志卷六終